

Díaz-Canel renkonti?is en Bonaero kun argentinaj artistoj kaj intelektuloj

Image not found or type unknown



Foto: @prezidanteco

Havano, jan 23 (RHK) La unua sekretario de la Centra Komitato de la Komunista Partio de Kubo kaj Prezidento de la Respubliko, Miguel Díaz-Canel renkontiĝis ĉi-lunde en Argentino kun artistoj, intelektuloj kaj akademianoj de tiu lando, en la kunteksto de oficiala vizito al Bonaero, la ĉefurbo.

La kuba eminentulo partoprenos morgaŭ en la VII Pintkunveno de la Komunumo de Latin-Amerikaj kaj Karibaj ŝtatoj (Celac).

La Kuba Prezidenteco raportis en sia Tviter-konto, ke la ministro pri kulturo de la sudamerika nacio, Tristán Bauer, partoprenis en la renkontiĝo kune kun pli ol 70 reprezentantoj de la sektoro.

La fama ĵurnalista kaj verkisto, Stella Calloni, asertis, ke Kubo estas la plej granda ekzemplo de rezistado, kiun havas Latin-Ameriko, kaj tial ĉi devas esti defendita ĉismorte.

Siaflanke, Díaz-Canel esprimis sian emocion esti ĉi tie, same kiel sian korinklinon kaj profundan admiron por la grupo de ĉeestantaj intelektuloj.

Ĉi-matene la ŝtatestro de la plej granda insulo en Antiloj renkontiĝis ankaŭ kun argentinaj komercistoj, al kiuj li konfirmis, ke ekzistas la volo de la du registaroj por daŭre plifortigi rilatojn de interŝanĝo kaj ekonomia kunlaboro.

Fonto: @prezidenteco

<https://www.radiohc.cu/index.php/eo/noticias/nacionales/311404-diaz-canel-renkontigis-en-bonaero-kun-argentinaj-artistoj-kaj-intelektuloj>



Radio Habana Cuba